

# 急救仙方卷之十一

<p> 麝香散，治男子妇人传尸骨蒸食热五癆。天灵盖麝香各一分柴胡一两犀角屑半两阿胶东引桃枝青蒿东引柳枝石榴皮四味各一握甘草三寸，患人中指长，男左女右薤白葱白各七寸 右件为末，用童便二升半，浸药一宿，明日早晚煎至升半，去渣服之。若男子病，女人煎，女病男煎。忌猫鸡犬驴马，僧尼、孕妇、生人、孝子，并不令见之。煎成饮后分为三服，入槟榔末三钱，温服。初服约人行三五里远，便再进一服。虑有恶心，以白梅与他含止之。服三五服，病止即泻出异物。若虫如头发马尾，身赤口黑，身上如蚁行不可名状，泻后葱粥饮补之，同时药煎补五脏伏神散。忌风一月，忌食油腻湿缅咸味，并牛猪鸡鸭犬等物。服此药无不当日差。凡天下治劳服之，亦须累日及年。犹未全去病源者，不似此方。至远年重病，不过两剂。如病未多，即一剂饮子，便当服此。伏神散，不问远年近日取效，下虫红色便可治，肚下黑差成否，肚下白色是食髓也，万不一瘥。补方服茯神散。白茯神茯苓人参远志去心龙骨肉桂甘草陈皮炒，各一两当归五味子各一两半黄耆二两大枣五十六个 右件为散，分作八服，细末。每服入枣七个，生姜二钱，用水一升半，煎至一升，趁前药后吃，亦空心服，神效。此是神人所授灵妙秘方，此方前后活数百人也。神效散，治诸传尸癆气，杀虫此方得之于河源郡王府，济世极多，功不可量。川椒二斤，择去子合口者，炒出汗 右为末，每服二钱，空心米汤调下。或酒糊丸如梧桐子大，每服三五十粒。神仙秘方，取癆虫。青桑皮杨柳枝梅枝石榴枝一方无此味桃枝正东引者，各七茎，四寸许葱白七茎阿魏一钱，别研安息香真者一分，并去石青蒿一握，如无，以子代之 右八味除魏、香外，余用童子便一升半煮药，煎及一半去滓，将药汁化魏、香，再煎十数沸，去滓候温，分作二次调服。辰砂研末槟榔研末，各半钱麝香少许，另研 右研极细末，分为二服，五更初一服，三点时一服。至已暖必取下虫，红者可救，青者不治。但有所下，即用热油煎杀，即进饮粥饭，温暖相息，不用性及食生冷毒物，仍先服纸丸子，法见后。合此药时，须择良日，

焚香祝告天地，令病人设榻於福德方服，即有神效。不可令病人先知气味，亦不得令猫犬、孝服、秽恶、妇人等见之。金明散，补肝脏劳极。人参知母茯苓丁香秦艽去芦甘草炙石膏煨，各等分 右件为细末，每服二钱，水一盞，葱白三寸，同煎至八分，通口服。守灵散，补心脏劳极。白茯苓丁香诃子各一两桔梗芍药羌活甘草炙，各一分，右件为细末，每服二钱，水一盞，入银耳环一只，葱白三寸，同煎至八分，通口服。魂停散，补脾脏劳极。白药子桔梗人参诃子皮茯苓甘草炙丁香各一钱 右件为细末，每服二钱，水一盞，入蜜一匙，同煎至八分，通口服。虚成散，补肺脏劳极。枳实去瓢皮心秦艽去皮心白茯苓芍药麻黄去节玄胡索当归洗序茴香炒，各半两甘草炙，一分 右件为极细末，每服二钱，水一盞，银耳环一对，蜜五点，同煎至八分，通口服。育婴散，补肾脏虚劳。香附子炒黑附子炮，一只木香白疾藜去角，各一分白茯苓半两甘草炙，一钱 右件为细末，每服二钱，水一盞，姜七片，葱白同煎至七分，空心服。龙胆丸，治积热痲瘦不食，压热壅，消疮肿，解肌骨，散解毒滞。草龙胆柴胡地骨皮黄芩一方不用此味，加茯苓鳖甲醋炙，各一两桃仁去皮尖山栀子陈皮当归大黄甘草炙，各半两 右为细末，炼蜜为丸，梧桐子大，每服二十丸，空心，用温热水吞下。如小儿，加减丸数。无比丸，治传尸痲，服至一月愈。其余劳瘦之疾，数服取效。紫河车二两，煮醋浸一宿，焙乾为末芍药鳖甲半两，醋炙桔梗胡黄连大黄炮甘草炙草龙胆苦参黄药子知母贝母去心秋石研豉心火段莪木礞硝犀角屑各二分，一云方无此味 右件为细末，炼蜜为丸，如梧桐子大，每服二十丸，温酒吞下。如肠虫热食前服，膈上热食后服。鳖甲醋炙天灵盖醋浸一宿，酥涂炙黄柴胡去芦青蒿知母各两甘草人参各半两阿魏四枣子大葱白一握桃仁二十一个，去皮尖，麸炒 右以天灵盖、鳖甲为末，次下人参、知母、柴胡、甘草，又同捣，次下葱白、青蒿、桃仁、阿魏，杵成饼子，慢火焙乾为末。称二钱，用童子小便二盞，煎至一盞，去滓，露星斗下一宿，至五更三点缓服半盞，服了衣被盖卧，天明又暖半盞，扶行病人服，强行五七步。三日更不得洗手面指头，候生毛为验。每日早晨先吃白扬投之。天竺黄麦门冬去心，各一

两人参茯苓甘草狭神生地黄乾远志去心防风龙骨各半两玄胡索七枚大腹子十一个犀角另 右□咀为末，用水二升半，煎至一升，分作三服，温服。忌一切毒物。如治久卧床枕，此药先看十指毛色，如藕白者可治，紫黑色者难治。麝香散，治妇人室女一切蓄热，腹内闷着，骨蒸，室女经脉不行，瘦劳肌热。威灵仙四两，细末雄黄麝香各一分，二味另研乾漆一两，碎炒令烟尽 右件为细末，再研，每服一大钱，水八分盏，煎至六分，空心和渣服，当有恶秽毒物下，并是病根。此药颇难服，可以蒸饼糊为丸，如梧桐子大，每服十五丸至二十丸，茶汤任下，次服桃仁散。 桃仁汤泡去皮尖，面炒令黄赤茯苓各一两，去皮芍药人参各三钱槟榔四个陈皮三分，去白犀角安息香各一分麝香二钱 右为细末，研匀，每服二钱，姜五片，水一盞，煎至六分，早晚食前服。若取下其虫头赤，便服天竺黄饮子，补护心脏。未取下虫，亦须先服之护心。柴胡散，治童椎骨蒸，热葱解伤寒后肌热。柴胡川大黄乾漆炒秦艽甘草常山各一两鳖甲三两，醋灸 右□咀，每服一钱，用水一盞，入小麦一撮，同煎七分，冷服。 取虫药，取啄木禽一只，朱砂四两，精猪肉四两，喂木禽一昼夜，饥甚将朱砂作绿豆大相和在切碎肉片子肉#1。若无啄木禽，书将击禽用盐泥固济，入禽在内，用刚火煨一夜，来日不见太阳取出，不得打破，同固济盐泥入地，埋二尺许，一画夜取出。银器内研作细沫，以无灰作一服讽下，入麝少许在药内同调，置病人在帐中，四下紧闭，用铁钳候病入口中虫出，即钳之於沸油中煎杀。可预置烈火沸油於病人左右，如虫出后，便令煎嘉禾散与病人服，进粥又煎药，悉如前夜服。咒云：唵摩呜□吽吽咤。 磁石一两半，有墙者紧研为末龙骨半两硃砂一两不研麝香一钱膩粉半两，另研 右用蜡为丸，如小婴桃大，每服一丸，以药上针穿一小窍子，以青釭线贯之，梢头系一大古钱，早晨令病人向破方正坐，用温水吞下，候药下咽喉中，合口以牙咬定古钱，等候恶心便吐出，其虫状不一，急以热油煎杀。如不吐出虫，只吐得血丝子或涎一二合，皆是安证，更服寻常和气理中诸药，三两日决取痊瘥。其治过药，可用温水浴过，更可医一二人。若是传尸痲，一丸可活两人。 母丁香一钱半酒腊半两鳖甲一帖和殼水磨硫黄二钱石

燕一个，火煨，醋淬七次 右为细末，用蜡为丸，如绿豆大。每用一丸，装钩子上，击钱一条，长一丈二尺，用雪膏少许圆，药丸以蚕茧一截穿於钱上盖之，令病人先吃膏，后一口同药吞下，良久线动，用力拽出，有虫用沸油煎杀。此药於端午日日未出时修合，先服纸丸，次同神仙秘法服。 凡医传尸，先当斋戒志心，对圣焚香，服纸丸子。用鸡子清涂纸上令乾，剪作钱样大丸服之，然后服前件丸散。 通神散，治尸痲。 右件为末，加桃柳枝、青蒿各七握，锉碎，用童子小便半碗浸一宿，来日五更初煎数十沸，滤滓调散子一半，吃服了，以衣被盖便睡，取下恶物自住，不用利下。时用盆子盛看何物在其中，虫类有四：一头如马尾，二似乱发，三似蜈蚣，四如鸡子或破绵絮。后要有一人来别此，忌硬物、茶、炙薄VIIIQ蟹、血、生冷油腻、腌藏等物，后服药。

右将酒二升，瓷器内煎取五合，倾出，煎四味，熬看软硬，和丸如梧桐子大，空心晚后，酒或盐汤下三十丸。 紫河车丹，治飞尸鬼症，虚劳羸瘦，喘嗽气。 其法取男子首经儿，先以皂水洗争，次以铍子内用米醋堞#2洗控乾，将一小小焙笼，以低#3周围密糊，不令失火气。或无小焙笼，只用小篮子去击，蜜糊，安紫河车於上，用烈火焙，更将参子盖之，焙令极乾，约只有十二三文重，候极乾，至乾了，更入后药：人参一两半木香半两白术炒白茯苓茯神当归熟地黄各一两乳香别研没药各四钱朱砂二钱，别研麝香二钱 右件为细末，用诸药和匀，红酒糊为丸，如梧子大，每服五十丸，煎人参汤下，空心日午四服，炼蜜丸亦得。

明目丹，又传追下尸虫，治传尸痲。 白兔粪中秋夜取四十丸立#4，野中者佳硃砂 右研为细末，炼蜜丸梧子大。每服七丸，用甘草半两生捶碎，以水一盞，揉取浓汁。若患人瘦弱，即炙过甘草，五更空心服，预戒患人，不得心燥，冷服不妨，小瘥两日，再服下虫为准，须上旬服。


青蒿饮治痲疾。 青蒿赤根者，取子一升，叶五两，阴乾桃枝三两，嫩者柴胡甘草各一两柳枝三两，嫩者地骨皮二两□子仁一两，量患人虚实用 右□咀，每服三钱，水一盞，乌梅两个，煎至七分，温服，不拘时。 柴胡散，补虚劳。 柴胡人参白茯苓桔梗芍药青皮去白川当归酒浸一宿麦门冬去心川芎升麻桑白皮白术米坩浸一宿甘草各一两 右件为细

末，每服二钱，水一盞，煎至七分，通口服。 鳖甲煎补虚劳。 鳖甲一枚，醋炙令黄柴胡去芦川当归甘草炙桔梗赤芍人参各一两麝香半钱杏仁去皮尖炒胡黄连地骨皮宣连各一钱木香半两真酥白沙蜜各三两官桂半两，去粗皮，不见火 右件为细末，用青蒿一斤，童便五升，熬青蒿汁约二升，滌去滓，入酥蜜再熬成膏。 疾冷，入药末搜和为丸，如梧子大，每服十五丸，温酒下，米饮亦可，日进三服。 如秋冬时，更入桃柳心七个，与前柴胡散同煎服。 贯众丸，去三尸五虫。 贯众五分，杀伏尸白萑芦三分，杀虫蜀漆三分，杀白虫厚朴三分，杀肺虫狼牙子四分，杀胃虫强蚕四分，杀膈虫雷丸六分，杀赤虫雄黄三分，杀尸虫茺萸五分，杀差虫 右拣净，焙乾，炒令，捣为细末，炼蜜为丸，如梧子大。 川水下五丸，三服，可渐加至十丸、二十丸，服之二十日，百病皆愈，三尸九虫自灭。 服者须斋戒恭敬，妇人绝孕，服之有子。 桂心丸，神仙去三尸九虫。 熟地黄三两乾漆半两，炒桂心一两 右为细末，炼蜜为丸，如梧子大，每服七丸，米饮送下。 雄黄丸，又去三尸九虫。 雄黄研松脂各一两，研 右溶脂为丸，如莲子大，平旦吞一丸，服七日，三尸尽去。 轻骨散，治劳嗽。 乌梅龙胆草胡黄连贝母知母鳖甲醋炙桔梗秦艽柴胡甘草炙山□子去皮人参青蒿酒煮阿胶炒杏仁去皮尖，麸炒 右件晒乾为末，用好京墨一寸，以井花水磨，调前药末作饼子，如大指头大，透风处害乾，二七日方用。 每服一饼，井水磨化。 又用没药五十磨成一盞，於五更又用黄皮末二钱，同煎数沸，却入盞内，频频打转，通口。 於五更时轻轻起吃，才服了便睡，令病人仰外。 甚者不过三服。 蛤蚧散，又治劳瘦。 白茯苓一两，去乌皮，入姚内，慢火炒令燥便住桑白皮二两，用酥醋刷炙五次，令紫色杏仁六两，汤泡去皮尖双仁者，以纸篋入铛内炒令乾，入臼内捣为粉，用皮纸角出油尽为度知母用酥醋涮炒令黄熟，蛤蚧雌雄一对，入酥醋内浸透，慢火炙乾，再用酥醋刷炙五七次，令黄熟，不得烧损无力了贝母二两，用酥醋刷炙令，三五次甘草三两，捶碎，用醋酥须刷炙三五次，令紫黄人参一两，大者，用酥醋刷炙三五次，令黄熟乳酥真好者，四十文，切作骰子大块，入姚内溶成汁，入陈米醋极酸者半升，已下和匀，同刷炙前药，醋不宜多用，只以四合多

为的，庶好刷用，否则稀灸。右件为末，每服二大钱，水一盞煎七分服。忌油腻冷毒物。如久患嗽者，初服此药，必服斗嗽加甚，须勤服，久则可安，须自保惜为妙。治劳热，止损止嗽。蛤蚧一对，洗净，酒醋浸炙黄芩半两胡黄连秦艽甘草生地黄熟地黄青蒿人参炒柴胡麻黄知母贝母杏仁去皮尖双仁取梢，各半两鳖甲一两，酒醋炙桔梗龙胆草木香各一钱。右件为细末，用乌梅姜枣煎服。治虚劳方。右用生姜六两锉碎，嗽者加人参四两锉碎，同置於新沙锅内，用无根河水一斗，烧木炭文武火熬水尽为度，去生姜参滓放冷，每服五七个杏仁，频频服之。治传尸劳疗方。右童子便一盞，无灰酒一盞，以新瓷瓶贮之，取全堵腰子一对，於内密封泥，日晚时以慢火养熟，至中夜止，待五更初，更以火温之，发瓶饮酒食腰子。病笃者，只一月效，平日瘦怯者亦可服此。盖以血养血，绝胜金石草木之药也。又方，以獭肝一具，阴乾杵末，方寸匕，日三服，有效。又方，以赤□儿俗名王瓜焙乾为末，温酒调服，即有效。夫人含灵受气，禀於五常，摄之乖理，降之大疾。至若岐黄广记，抑有六旧经法，单行显灵斯术。骨蒸病者，亦名传尸，亦名殭殍，亦名伏连，亦名无辜。丈夫以元气为根本，妇人以血海为根源。其病状也，发乾而短，或聚或分，或腹中有块，或脑门结核，或卧盗汗，梦见鬼交，虽目视分明，而四肢无力，上气食少，渐至沉羸，终延岁月，遂至陨灭。余昔忝任洛州司马，三十日灸活一十三人，前后差者，数通二百里，至於狸骨獭肝，徒闻曩说，金牙铜鼻，罕见其能，未如此方扶危救急，非止单攻骨蒸，兼亦疗风，或瘴或劳，或邪或僻，患状既广，灸愈亦多，不可具录。聊述大概，又恐传说讹谬，以误将来，今具图形，庶令览者易於悉，使所在流传，颇用家藏，不暇明医，旁求立业，返魂还魄，何难之有，遇斯疾者，可不谨欵。肺俞二穴，在第三椎下，两傍相去一寸半。是穴理颠痫，婴气上气，吐逆返满，脊强寒热，不食内痛，皮痒传尸，骨蒸肺嗽。针三分，留七分呼，得气即灸三壮。厥阴二穴，在第四椎下，两傍相去一寸半。是穴理遂气吐呕，心痛挛结，胸中烦闷。针入三分，留七分，得气可灸三壮。心俞穴，在第五椎下，两傍各一寸半。是穴理心中风，狂痫气乱，语悲啼，心腹坎满，汗

不出，结积寒奶，呕逆不食，食物即吐，咳肿目痛。不灸，通针三分，留七分呼，得气即泻灸三壮。肝俞穴，在第九椎下，两傍各一寸#5。是穴理口乾，中风肢满，短气不食，食物不消，目不明，关塞胸痛，肩疼寒疝。针入三分，留七分呼，得气，灸三壮。脾俞二穴，在第十一椎下，两傍各一寸半。是穴理腰身胀满，腹肚泄泻痢，身重，四肢不收，黄疸，邪气积聚，腹痛寒热。针入三分，留七分呼，气#6，灸三壮。肾俞二穴，在第十四椎下，两傍各一寸半，上一膈对。是穴理虚劳，耳聋，肾虚水状胀，挛急腰痛，小便浊，阴中疼，溺血精出，五劳七伤，冷呕，脚膝酸疼拘急，好独外，身肿如水。针入三分，留七分呼，气#7可灸三壮。大杼二穴，在第一椎。膈俞二穴，在第七椎。胆俞二穴，在十一椎。三焦二俞二穴，在十三椎。胃俞二穴，在十三椎。旋俞二穴，在第二十椎。仍引灸四花膏育为妙。师令患者平身正直立，以细绳子一条，令脚底坚踏，男左女右，其头上大姆指端高，顺脚踵引直上至曲啾中大横纹处截断。患者取穴去处，一依铜人。又令患者平坐，解发分开两边，从发路沿项直下至脊，绳子头椎骨上，以骨点记之，患者亦依铜人坐也，又取绳子，中钩起至鼻住按定，截口吻两头了，却将此量。口绳子於点记处平折，拖两头勿令少有偏邪，直要端正，两头记处是穴，中心於点处非穴，莫灸。又法，令患者平身正坐，稍缩膊，取小绳子一条，拖其两垂向前，绳两头高至鸠尾穴，穴在心上颇骨下也，便截断，却翻绳子向背拖绳，停心於喉结骨上，其绳两头双垂，当脊上中绳子头便点记。又法，取一绳，令患者平坐，合口横量，准前取绳子两头是灸穴。此通前四穴，各灸七壮至二十一壮，须加至百五十壮，仍停候疮欲发，又将先量口绳子，於前脊椎上垂绳子，点处停心量，以绳子两头是穴，点记灸之如前法，此名四花穴，须是离日灸之，用三月三日采艾极妙。灸疾若了，於百日内却慎饮食房室，且安心静眠，如一月觉未全安，常如初法於旧穴上再灸之，永除害也。灸后仍服药，制方在后。余切读老叟自序，论传尸之候已详。如灸心俞穴中取虫，逮《铜人经》云则不可用，正如此高高嗣照，世称良医，虽取穴针灸，上古治法不同，岂神圣之功，殆不可云。一法，当於癸亥日夜二更时，六神

皆聚之时，解去衣服，直身平立，用笔於其腰上两傍微陷处点定，针家谓之腰眼，然后合面而卧，每灼小艾炷七壮，两腰眼共一十四壮。劳虫或吐出，或泻下，即可平安，断根更不传染。 生地黄汁青蒿汁薄荷汁童便好酒右各二升，同煎成膏入柴胡去芦鳖甲醋炙秦艽各一两麝另研朱砂各半两 右五味为细末，入前膏为丸，如梧桐子大。每服十五丸至二十丸，温酒下，忌生冷毒物。 又取虫方。 凡取痲虫，可於三节骨上一穴，膏肓二穴，每穴灸七壮，然后吃饮食调理方，下药取虫，其虫或如乱丝，或如红钱者是也。 春用雄黄硫黄巴豆一粒，出油豆豉七粒 右同前药共和，研为丸，如梧子大。次用童子不吃饭的小便一合，酒一盞下。 夏用芦伏子鹤虱硫黄巴豆一粒，去油豆豉七粒 右同前药丸，如前汤使下。 秋用锡灰雄雌二黄绿豆粉豆豉七粒巴豆一粒，去油 右同药为丸，用前汤使下。 冬用雄雌二黄锡灰巴豆去油豆豉七粒 右为丸，同前汤使下。 净明法中治劳瘵方。 度师玉真先生传：其方须先炼度如法，次以南木香五钱重，切碎，用新洁瓦器慢火煎出浓汁，分作二处，留出木香渣将在，一处调朱砂书符用，一处调青蒿用。青蒿九斤重，切碎，用新洁铁锅，水煎一日，去渣，取浓汁，入前木香渣，再煎去渣，以前木香浓汁一处慢火熬成膏。朱砂五钱重，为细末，用前一处木香汁，调书五炁符，及炼度中。五炁符烧化，入木香汁内，就用此化开青蒿膏子，与患人服，切戒勿令患者知之，务在志诚而为也。仍忌一切外人畜类等见之，无不神效，此方行是法者，用之尤为妙也。 #1肉：疑当作『内』。 #2堞：疑当作『渫』。 #3低：疑当作『纸』。 #4立：疑当作『粒』。 #5寸：此下疑脱『半』字。 #6气：此前疑脱『得』字。 #7气：此前疑脱『得』字。



[下载本文pdf文件](/pdf/20272-急救仙方卷之十一.pdf)